


百詠  
全

佚書

(三條西家旧藏)







百廿詠上

乾象十首

日

日出扶桑路，遥昇若木枝。  
雲間五色滿，霞際九光披。  
東陸蒼龍駕，南郊赤羽馳。  
傾心比葵藿，朝夕奉堯曦。

月

桂生三五夕，冀開二八時。  
分暉度鵲鏡，流影入蛾眉。  
皎潔臨踈牖，玲瓏鑿薄帷。  
願陪北堂宴，長賦西園詩。

星

蜀郡靈槎轉，豐城寶氣新。  
將軍臨北塞，天子入西秦。  
未作三台輔，寧為五老臣。  
今宵潁川曲，誰識聚賢人。

風





落日正沈沈，微風生北林。  
帶花疑鳳舞，向竹似龍吟。  
月影臨秋扇，松聲入夜琴。  
若至蘭臺下，還拂楚王襟。  
雲

大梁白雲起，亭午殊未歇。  
錦文觸石來，蓋影凌天發。  
烟燭万年樹，掩映三秋月。  
會入大風歌，從龍赴蒼闕。

瑞氣凌丹閣，澄濛上翠微。  
迥浮雙闕路，遙拂九仙衣。  
桑柘凝寒色，松篁暗晚暉。  
還當紫霄上，時接白雲飛。

滴瀝明花苑，葳蕤炫竹叢。  
玉垂丹棘下，珠湛綠荷中。  
夜警千年鶴，朝晞八月風。  
願凝仙掌內，長奉未央宮。

霧

曹公之夢澤，漢帝出平城。  
別有丹山霧，吟眺素月明。  
類煙霏稍重，方雨散還輕。  
儻入非熊繇，寧思玄豹情。

雨

西北雲膚起，東南雨足來。  
靈童出海見，神女向山迴。  
斜影風前合，圓文水上開。  
十旬無破塊，九土信康哉。

雪

瑞雪驚千里，從風暗九霄。  
地疑明月夜，山似白雲朝。  
逐舞花光散，臨歌扇影飄。  
大周天闕路，今日海神朝。

坤儀十首

山

仙嶺鬱氛氲，峨嵋上翠氛。  
泉飛一道帶，峰出半天雲。  
古壁丹青色，新花錦繡文。  
已開封禪處，希謁聖明君。



石  
宗子維城固將軍飲羽威巖花鏡裏發雲葉錦中飛  
入宋星初墮過湘燕早歸  
謹因持補極寧復想支機

原  
王粲銷憂日江淹起恨年帶川遙綺錯分隰迥所眠  
撫心橫周甸莓苔闕晉田方知急難響長在鶴鴿篇

野  
鳳去秦郊迥鷄飛楚塞空蒼梧雲影去涿鹿霧光通  
草暗平原綠花明春徑紅誰言祓築士獨在傳巖中

田  
貢禹懷書日張衡作賦晨杏花開鳳吟草葉布龍鱗  
瑞麥兩歧秀嘉禾九穗新寧知帝主力擊壤自安貧

道

銅駝分翠洛劍閣抵臨邛紫微三千里青樓十二重  
玉關塵似雪金穴馬如電今日中衢士竟樽更可逢

海

習坎疏丹壑朝宗合紫微三山巨壑万里大鵬飛  
躡樓寫春雲色珠含明月輝會當添霧露方逐衆川歸

江

日夕三江望靈潮万里迴霞津錦浪動月浦練光開  
湍似黃牛去濤如白馬來英靈已傑士誰識卿雲才

河

何出崑崙中長波接漢空桃花生馬頰竹箭入龍宮  
德水千年變榮光五色通若披蘭葉檢還沐上皇風



洛

九洛韶光媚三川物候新華明丹鳳浦日映玉雞津  
元禮期仙客陳王覩麗人玄龜方錫瑞綠字佇未臻  
芳草十首

蘭

虛室重招尋忘言契斷金英浮漢家酒雪儷楚王琴  
廣殿輕香發高臺晚吹吟汾河應擢秀誰肯訪山陰

菊

玉律三秋暮金精九日開榮舒洛媛浦香泛野人盃  
霍靡寒潭側芼葺晚岸隈今日黃花晚無復白衣來

竹

高幹楚江濱蕭條含曙氣白花搖鳳影青節動鼃文

葉掃東南日枝梢西北雲誰知湘水上流淚獨思君

藤

吐葉依松磴舒苗長石臺神農嘗藥罷質子寄書來  
色映蒲萄架花分竹葉盃金堤不相識玉潤幾年開

萱

屣步尋芳草忘憂自結叢葉舒春夏綠華吐淺深紅  
色湛仙人露香傳少女風含貞北堂下曹植動文雄

萍

二月虹初見三清蟻正浮青蘋含吹轉紫葉映波流  
屢逐明神薦頻隨旅客遊既能甜似蜜還真就玉舟

菱

鉅野韶光媚東平春溜通影搖江浦月香引棹歌風



日色翻池上，潭華發鏡中。五湖多賞樂，千里望難窮。

瓜 欲識東陵味，青門五色瓜。童蹄遠珠履，女臂動金華。六子方呈瑞，三仙實可嘉。終期奉締綏，謁帝佇非賒。

茅

楚國供王日，衡陽入貢年。磨苞青野外，鷓鴣嘯綺楹。前堯帝成茨罷，殷湯祭雨旋。方期大君錫，不懼小臣捐。

荷

新溜滿澄波，圓荷影若規。風來香氣遠，日落蓋陰移。魚戲排緗葉，龜浮見綠池。魏朝難接影，楚服且同枝。

嘉樹

松

鬱鬱高山表，森森幽澗陲。鶴栖君子樹，風拂大夫枝。百尺條條條合，千年蓋蓋影披。歲寒終不改，勁節幸君知。

桂

未植銀宮裏，寧移玉殿幽。枝生無限月，花滿自然秋。俠客條為馬，仙人葉作舟。願君期道術，攀折可淹留。

槐

暮律移寒火，春宮長舊栽。葉生馳道側，花落鳳庭隈。烈士懷忠至，鴻儒訪道來。行當赤墀下，踈幹擬三台。

柳

楊柳正氤氳，含烟抱翠簷。前花似雪樓，際葉如雲。夜星浮龍影，春池寫鳳文。短蕭何以奏，攀折為思君。

桐



孤秀嶧陽峯亭出衆林春花雜鳳影秋葉弄珪陰  
忽被夜風激遂逢霜露侵不因逢入爨誰為作鳴琴

桃

獨有成蹊處紅桃發井傍含風如笑臉衰露似啼粧  
隱士顏應改仙人路漸長還欣上林苑千歲奉君王

李

潘岳閑居暇王戎戲陌辰蝶來芳徑馥鶯轉合枝新  
葉暗青房晚花明玉井春方知有靈幹特用表真人

梨

檀羨玄光側傳芳翰海中鳳文踈蜀郡花影麗新豐  
春暮條應紫秋來葉早紅若今逢漢主還魚識張公

梅

院樹斂寒光梅花獨早芳雪含朝暝色風列去來香  
舞袖迴春徑歌塵起畫梁若能長止渴何暇泛瓊漿

橘

万里盤根植千株布葉繁既榮潘子賦方曉陸生言  
玉蘂含霜動金衣逐吹翻願隨湘水曲長茂上林園

靈禽十首

鳳

有鳥自丹穴其名曰鳳凰九苞應靈瑞五色成文章  
屢向秦樓側頻過洛水傍鳴岐今已見阿閣佇來翔

鶴

黃鶴遠聯翩從鷺下紫烟翱翔一万里來去幾千年  
已憇青田側來遊紫禁前莫言空壑露猶冀一聞天



鳥  
日路朝飛急，霜臺夕影寒。  
聯翩依月樹，迢遞遠風竿。  
白首何年改，清琴此夜彈。  
靈臺如可託，千里向長安。

鵲  
不分荆山抵，石印飛危巢。  
畏風急遠樹，覺星稀。  
壽逐行人至，愁隨織女歸。  
儻遊明鏡裏，朝夕生光輝。

鴈  
春暉滿朔方，歸鴈發衡陽。  
望月驚弦影，排雲結陣行。  
往還倦南北，朝夕苦風霜。  
寄語能鳴伴，相隨入帝鄉。

鳧  
颯沓睢陽涘，浮遊漢渚隈。  
錢飛出井見，鶴列入琴哀。  
李陵賦詩罷，王喬引舄來。  
何當歸太液，翔集動成雷。

鶯  
芳樹雜花紅，群鶯亂曉空。  
吟分折柳吹，韻嬌落梅風。  
寫轉清歌裏，含啼妙管中。  
迂喬若可冀，幽谷響還通。

燕  
天女伺辰至，玄衣澹碧空。  
差池沐時雨，颯颯舞春風。  
相賀雕楹側，雙飛翠幙中。  
莫驚留不去，猶冀識吳宮。

雀  
大廈將成日，嘉賓集杏梁。  
銜書表周瑞，入幕應王祥。  
暮宿空成裏，朝遊漣水傍。  
願存鴻鶴志，希逐鳳凰翔。

雉  
白雉振朝聲，飛來表太平。  
楚郊疑鳳舞，陳寶若雞鳴。  
童子懷仁至，中郎作賦成。  
幸君看飲啄，耿介獨含情。



祥獸十首

龍

銜燭耀幽都含章擬鳳雛西秦飲渭水東洛薦何圖  
帶火移星陸騰雲出昇湖希逢聖人用庭闕奉晨趨

麟

漢時應祥用魯郊西狩迴奇音中鐘呂成角喻英才  
畫像臨仙閣藏書入帝基莫驚今吐哺為觀鳳凰來

象

鬱林開郡畢睢陽作貢初萬推方漁夢惠子正焚書  
執燧奔吳域量舟入魏墟六牙行致遠千葉奉高居

馬

天馬來從東嘶驚御史駟蒼龍遙逐日紫燕迥追風

明月承鞍上浮雲落蓋中得隨穆天子何暇唐成公

牛

高歌初入相燕陣早橫功欲向桃林下先過梓樹中  
在吳頻喘月奔楚屢驚風不降五丁士如何九折通

豹

車法肇隆周黜文闡大猷還將君子變來蘊太公謀  
委質超羊躡飛名列虎侯若今逢霧雨長隱南山幽

熊

導洛宜陽右乘春別館前昭儀匡漢日大傅翊周年  
列射三侯滿興師七步旋莫言舒紫襦猶真飲清泉

鹿

涿野用中奠秦原闢帝圻柰花開舊苑萍葉吐前詩



道士乘仙日先生折角時方懷大夫志抗手別心期

羊

跪飲懲澆俗行駮夢逸材仙人擁石去童子馭車來  
夜玉含星動晨毛映雪開莫言鴻漸力長牧上林隈

兔

上蔡鷹初擊平崗兔不稀目隨槐葉長形逐桂條飛  
漢月澄秋色梁園映雪暉唯當感純孝郭郭引兵威

下 居處十首

城

四塞稱天府三河建洛都飛雲滿城闕白日麗城隅  
獨下仰鳳群驚御史烏何辭一万里邊徼拒匈奴

門

赫々彤闈敞煌々紫禁隈阿房万户列閭闔九重開  
踈廣遺榮去于公待封未誰知金馬路方朔有奇才

市

閶闔開三市旗亭起百尋漸離初擊筑司馬正彈琴  
細柳龍鱗映長槐兔目陰徒知觀衛玉誰肯掛秦金

井

玉甃談仙客銅臺賞魏君蜀都宵映火杞國旦生雲  
向日蓮華淨含風李樹薰已開千里國還叶五星文

宅

寂々蓬蒿徑喧々湫隘序屢逢長者轍時引故人車  
孟母卜隣罷將軍薛第初誰憐草玄處獨對一床書

池



日落天泉暮烟處習池靜鏡潭明月輝錦磧流霞景  
花搖丹鳳色雲浮濯菴影欲識江湖心秋來賦潘省  
樓

百尺重城際千尋大道隈落星臨畫閣井幹起高臺  
舞隨綠珠去簫將弄玉來銷憂乘暇日誰識仲宣才

橋

烏鵲填應滿黃公去不歸色疑虹始見形似鴈初飛  
巧作七星影能圖半月輝即今滄海晏無復白雲威

舟

征棹三江暮連樯万里迴相鳥風處轉畫鷁浪前開  
羽客乘霞至仙人弄月來方今同傳說飛檝巨川隈

車

天子馭金根蒲輪闕四門五神趨雪路雙轍似雷奔  
丹鳳孤金轄非能載寶軒無階忝虛左光乘奉玉言  
服玩十首

床

傳聞有象牀疇昔薦君王璫瑁千金起珊瑚七寶裝  
桂筵含栢馥蘭籍拂沈香願奉羅帷夜長承秋月光

席

避坐承宣父重筵揖戴公桂香浮半月蘭氣襲迴風  
舞拂流霞上歌清白雪中佇將文綺色舒卷帝王宮

帷

久用先生戶高褰太守車羅將翡翠合錦逐鳳凰舒  
明月彈琴夜清風入幌初方知決勝策黃石遺兵書



簾

曉風清竹殿，初日映秦樓。暖日籠珠網，纖絳上玉鈎。  
窓中月影入，戶外水精流。巧作盤龍勢，長從飛燕遊。

屏

洞徹瑤瑤敞，威紆屈膝迴。錦中雲母列，霞上織成開。  
山水含春動，遊仙倒影來。修身行竭節，誰辨作銘才。

被

桂友尋東閣，蘭交聚北堂。象筵分錦繡，羅薦合鴛鴦。  
桃李同歡密，塵泥別恨長。孔懷欣共寢，花萼幾含芳。

鏡

明鏡拂塵埃，含清朗魏臺。月中烏鵲至，花裏鳳凰來。  
玉彩疑冰徹，金輝似日開。方知樂彥輔，自有鑒人才。

扇

翟羽舊傳名，蒲葵實曉清。華輕不滿面，羅薄誰障聲。  
逐暑含風轉，臨秋帶月明。還取同心契，特表合歡情。

燭

兔月清光隱，龍盤金燭新。三星花入夜，四序玉調辰。  
吐翠依羅幌，浮香匝綺茵。若逢燕相國，特用舉賢人。

酒

孔座洽良儔，陳筵幾獻酬。臨風竹葉滿，湛月桂香浮。  
每接高陽宴，屢陪河朔遊。會從玄石飲，靈液出因丘。

文物十首

經

漢室鴻儒盛，鄒堂大義明。五千道德闡，三百禮儀成。



青紫方拾芥，黃金徒滿籝。誰知懷逸辦，重席挫群英。  
史

馬記天官設班圖，地理新談諧。方鹽文質乃彬，  
方朔初還漢，荆軻昔向秦。正辭堪載筆，終莫作良臣。

詩

都尉雙鳧遠，梁王駟馬來。扇中紈素裂，機上錦文迴。  
天子三章傳，陳王七步才。緇衣行擅美，祖德信悠哉。

賦

布義孫卿子，登高楚屈平。銅臺初下筆，平樂正飛纓。  
乍有凌雲氣，時聞擲地聲。造端恒體物，無復大夫名。

書

削簡竈文見，臨池鳥跡舒。河圖八卦出，洛字九疇初。

垂露春花滿，崩雲骨氣餘。請君看入木，一寸信非虛。

檄

羽檄本宣明，由來敷木声。聯翩通漢國，迢遞入燕營。  
毛義捧書去，張儀鞞壁行。頭風雖覺愈，陳草未知名。

紙

妙跡蔡侯施，芳名古伯馳。雲飛錦綺落，花發縹紅披。  
舒卷随幽顯，廉方合軌儀。莫驚反覆字，當取葛洪規。

筆

握管門庭側，含毫山水隈。霜輝簡上發，錦色夢中開。  
鸚鵡攜文至，麒麟絕句來。何當遇良史，左右振奇才。

硯

左思裁賦日，王充作論年。光随錦文散，形帶石巖圓。



積潤終毫裏，開冰小學前。君苗徒見藝，誰識士衡篇。

墨

長安分石炭，上黨作松心。繞畫蠅初落，含滋綬更深。素綵光易涿，皂疊映逾沈。別有張芝字，書池幸見臨。

武器十首

劍

我有昆吾劍，來趨天子庭。白虹時切玉，紫氣每干星。鏐上蓮花動，匣中霜雪明。倚天特報國，畫地取雄名。

刀

列壁鳴鸞至，堆良佩犢旋。帶環疑寫月，引鏡似含泉。割錦紅魚裏，含毫彩筆前。莫驚用百練，輒擬定三邊。

箭

漢郊初飲羽，燕城忽解圍。影隨流水去，光帶落皇飛。夏列三成軌，堯沈九日輝。斷蛟雲夢澤，希為識志歸。

弓

桃文稱避惡，桑質表初生。宛轉瑠韃際，還如半月明。空響落鴈影，虛引怯猿聲。徒切烏號思，攀竜遂不成。

弩

挺質本軒皇，申威振遠方。銅牙流曉液，玉彩耀星芒。高鴈行應盡，玄猿坐見傷。蘇秦六百步，持此說韓王。

旌

告善樓臺側，求賢市肆中。擁旄分彩雉，持節曳丹虹。影麗天山雪，光搖朔塞風。方知姜周政，懸旆闔車攻。

旗



桂影承宵月，虹輝接曙雲。縱橫八陣，舒卷列三軍。  
日蕩蛟鼉影，風翻鳥獸文。誰知懷勇志，盤地幾繽紛。

戈

富文春喉日，殷辛泛杵年。曉霜含白刃，落景駐瑠鉞。  
夕儼金門側，朝提玉塞前。願隨鼉影度，橫陣彗雲邊。

鼓

舞日諧鼗響，克羊韻土声。向樓疑吹擊，震谷似雷驚。  
仙鶴排門起，靈龜帶水鳴。樂云行已奏，禮也奠相成。

彈

使宕遠相望，佳遊滿帝鄉。共持蘓合彈，來此傍垂楊。  
金落疑星影，珠成似月光。莫飲黃雀至，須揮微軀傷。

音樂十首

琴

名士竹林隈，鳴琴寶匣開。風前中散至，月下步兵來。  
淮海曾為室，梁岷舊作臺。子期如可聽，山水響餘哀。

瑟

蒼祇初制法，素女昔傳名。流水潛魚聽，叢臺舞鳳驚。  
嘉賓歡未極，君子娛樂并。僮入丘之戶，應知由也情。

琵琶

裁規勢漸凹，鑠質本多端。半月分絃出，叢花拂面安。  
將軍曾入賞，司馬屢飛歡。唯有胡中曲，希君馬上彈。

箏

蒙恬芳軌設，游楚清音列。形通天地規，弦寫陰陽節。  
鄭音既寡亮，秦聲復悽切。君聽陌上桑，為辨羅敷潔。



鐘

既接南隣磬，還隨北里笙。平陵通曙響，長樂驚宵聲。  
秋至含霜動，春歸應律鳴。豈知恒待扣，金釭有餘清。

簫

虞舜調清管，王褒賦雅音。參差橫鳳翼，搜索動猿吟。  
靈鶴時未致，仙人幸見尋。為聽楊柳曲，行役幾傷心。

笛

羌笛寫鼙聲，長吟入夜清。開山孤月下，來向隴頭鳴。  
逐吹梅花落，含春柳色驚。行觀向子賦，坐憶隣人情。

笙

懸匏曲沃上，孤篠汝陽隈。形寫歌鸞翼，聲隨舞鳳哀。  
歡娛自北里，純孝即南陔。今日虞音奏，陰兮鳥獸來。

歌

漢帝臨汾水，周仙去洛濱。郢中吟白雪，梁上繞飛塵。  
歌發行雲駐，聲嬌子夜新。願君聽扣角，當自識賢臣。

舞

妙妓遊金谷，佳人滿石城。霞衣席上轉，花袖雪前明。  
儀鳳諧清曲，迴鸞應雅聲。非君一顧重，誰賞素腰輕。

玉帛十首

珠

燦爛金琪側，玲瓏玉殿隈。昆池明月滿，合浦夜光開。  
彩逐靈蛇轉，形隨舞鳳來。誰憐被褐者，懷宝自多才。

玉

映廡先過魏，連城欲向秦。洛京連勝友，燕趙類佳人。



方折晴虹媚常山瑞馬新徒為千和識不遇楚王珍

金

南楚標前貢西秦識舊城祭天封漢氏擲地響孫声  
向日披沙淨含風振鐸鳴方同楊伯起獨有四知名

銀

思婦屏暉掩遊人燭影長玉壺新下箭桐井舊安床  
色帶長河色光浮滿月光靈山有珍甕仙闕薦明王

錢

漢日五銖建姚年九府流天電帶泉寶地馬列金溝  
趙壹囊初乏何曾筋欲收金門應入論玉井莫未求

錦

漢使中車送河陽步障新雲浮山石曉霞滿蜀江春

色美迴文妾光輕縮墨賓若逢朱太守不作夜遊人

羅

妙舞隨裙動嬌歌入扇清蓮華依帳發秋月墜惟明  
雲薄衣初卷蟬飛翼轉輕若珍三代服同擅綺紈名

綾

金綾通秦國青縑值漢君落花遥寫霧飛鶴近圖雲  
色帶冰凌影光含霜雪文何當畫秦女煙霧出氤氳

素

濯手天津女織腰洛浦妃魚腸遠方至鴈足上林飛  
砧杵調風響綾紈寫月輝非君下山路誰賞故人機

布

潔績劍犧皇緇冠表素王瀑泉非掛鶴浣火有炎光



孫被登三相劉衣闢四方佇因春斗粟耒穆棣花芳  
百廿詠上下終

丙子六月十日







110 X  
245  
1